



Cumün da Valsot

Poz 86 • CH-7556 Ramosch
Tel. +41 (0)81 861 00 60 • Fax +41 (0)81 861 00 61 • info@valsot.ch • www.valsot.ch

Affischa

Suprastanza cumünala dals 8.4.2019

Presidi: Peer-Puorger Victor

Partecipant/s: Mayer-Schlegel Armon
Caviezel-Domenig Ursina
Kirchen-Werro Armon
Riatsch-Fedi Fadri

Absaint:

Protocol: Fallet-Taverna Marco

Fabrica: Paulmichl-Rodigari Albin

Gias/s:

tractandas	tema	responsabel
36	2100 Scoula Scoula Valsot in avegnir / strategia lös da scoula	vp/ak
37	0120 Executiva Acconsentimaint protocol	tuots
38	9100 Impostas cumünalas Acla da Fans, imposta gabella speciala Dumonda pella transfuormaziun dal debit in ün credit da cuorta dürada	vp/mf
39	9101 Impostas ulteriuras Relasch d'impostas cumünalas	vp/mf
40	0220 Uffizi da fabrica Dum. da fabrica no. 014/2019, sanaziuns internas da la tea d'alp (plan terrain), corporaziun d'Alp Tea, parcella no. 6019, Alp Tea 1-341, 7560 Martina	vp/ap
41	0220 Uffizi da fabrica Dum. da fabrica no. 005/2019, lingias da sauaziun, Gmür Luigi, parcelas no. 10574 e 11385, Tshanüff, 7556 Ramosch	vp/ap
42	0120 Executiva Orientaziuns	tuots
43	0120 Executiva Varia (suprastanza cumünala)	tuots

2100 Scoula
36 **Scoula Valsot in avegnir / strategia lës da scoula**

Il capo spordsch'il salüd a la manadra da scoula, Gianna Rauch Poo, chi repassa il documaint da strategia, concepì da la grupp da lavur ed infuorma lasupra.

Causa cha la cifra da scholars chala in avegnir per bainquant, esa da far las ponderaziuns necessarias fingià ouravant. La grupp da lavur ha miss insembel ils puncts principals chi sun gnüts fats bun dal cussagl da scoula per surdar quai lura a la suprastanza. Implü d'eira gnü exprimi cler cha'l böt dal cumün da Valsot saja da tegner il s-chalin ot a Strada.

La tabella cul svilup dals scholars pels prossems ons demuossa impustüt pel on da scoula 2023-24 ün problem considerabel a regard la quantità da scholars i'l s-chalin ot. I saran là be amo 16 scholars/scholaras, sainza tour davent quels chi frequentaran ev. il gimnasi. Tenor ledscha da scoula stuvesan esser minimalmaing 17 scholars/scholaras i'l s-chalin ot. La situaziun sforzarà insomma da metter insembel la primara ed il s-chalin ot in ün lö, dimena a Strada, causa cha nan da la construcziun as cunfà quel stabilimaint blerun plü bain co quel da Ramosch. Eir il fat, cha'ls scholars da Samignun, stuvaran gnir a Strada, sto qua gnir resguardà. La dumonda es lura che as faja culla chasa da scoula a Ramosch.

G. Rauch manzuna cha cun lur concept sajan gnüdas skizzadas alchünas pussibilitats chi pudessan gnir in dumonda per schoglier la problematica e quai a Strada. Id es cler, chi bsögna qua la decisiun davart da la part strategica, dimena da la suprastanza, cun quala ella nu's farà be amis. Plünavant manzun'ella cha actualmaing as esa vi da collavuraziuns tanter ils manaschis da scoula – sco Valsot cun Scuol e Zernez culla Val Müstair. Il böt es da raggiundscher illas duos regiuns ün cussagl da scoula be pel s-chalin ot, quai sper quel da la primara.

Il manader tecnic, Albin Paulmichl, manzuna cha scha la part strategica decidess per quel pass, nu po quai esser, cha davopro resta la lezcha pro l'uffizi da fabrica chi sto lura executar il concept e proget, quai cha davart da la capacità nun es gnanca pussibel. I sto là gnir fuormada üna grupp resp. cumischiun chi piglia per mans quai cun ün perit da construcziun.

La suprastanza prevezza uossa da trar nanpro ün perit chi inoltrarà ün'offerta per ün prestüdi. Davo avair cugnuschentscha da la dimensiun sco eir dals cuosts d'ün proget d'ingrondimaint da la chasa da scoula a Strada inchaminarà ella lura via da decisiuns.

0120 Executiva
37 **Acconsentimaint protocol**

Il protocol da la sezzüda dals 18 da marz 2019 vegn approvà.

9100 Impostas cumünalas
38 **Acla da Fans, imposta gabella speciala**
Dumonda pella transfuormaziun dal dabun in ün credit da cuorta dürada

Ils respunsabels da l'Acla da Fans infuorman sur da la situaziun finanziaria, la quala as preschainta pac agreabla e chi ha gronda influenza sülla liquidità. La causa per quai es pustüt il fat, cha la via d'access d'Engiadina es restada serrada per plü lung temp e quai dal 2018 sco eir uossa dal 2019.

Eir in avegnir demuossa la situaziun tendenza da liquidità chi sbassa. Our dals motivs manzunats dumondan ils respunsabels da pudair müdar il debit da l'imposta in ün credit a cuorta dürada.

La suprastanza riva a la conclusiun chi nu po gnir entrà sülla dumonda. Seguond la ledscha es quai exclus per ün cumün da müdar debits d'impostas in ün credit sainza fit. Implü significhess quai ün grond cas da pregüdizi. In quel sen sto ella decider da refüsar la dumonda.

9101 Impostas ulteriuras
39 **Relasch d'impostas cumünalas**

Quista tractanda suottasta al secret d'uffizi.

0220 Uffizi da fabrica

40 **Dum. da fabrica no. 014/2019, sanaziuns internas da la tea d'alp (plan terrain), corporaziun d'Alp Tea, parcella no. 6019, Alp Tea 1-341, 7560 Martina**

Il responsabels prevezzan d'effetuar lavuors da sanaziun internas e quai be i'l plan terrain. La surfatscha da plans brütta (BGF) nu müda. Pel 2020 es lura previs d'effetuar ulteriuras lavuors da sanaziun, las qualas ston gnir suottamissas al proceder dal BAB.

La supastanza riva a la conclusiun cha las lavuors actualas nu bsögnan il proceder dal BAB. Ella conceda quel permiss sainza publicar la dumonda.

0220 Uffizi da fabrica

41 **Dum. da fabrica no. 005/2019, lingias da sauaziun, Gmür Luigi, parcellas no. 10574 e 11385, Tschanüff, 7556 Ramosch**

Il petent prevezza d'installar ad agens cuosts lingias da sauaziun suotterranas in sias duos parcellas. La società da meglioraziun ha però introdüt ün proget general da sauaziun. I nu po esser, cha parallel a quel inoltrescha ün singul paur la dumonda eir al cumün. Eir davart da la meglioraziun vegn signalisà chi saja plü radschunaivel da's tgnair vi dal proget da la soc. da meglioraziun e cha'l petent dess reglar la fatschenda cun quella.

La supastanza tira in consideraziun, chi's tratta qua d'ün cas da pregüdizi e cha'l proget saja ün'ouvra publica. Ultra da quai nun esa cler, che möd d'installaziun sco neir na che dimensiun da las lingias chi'd es necessaria per cha l'ouvra as cunfess cul concept dal proget previs. Eir ella as tegna vi dal proget da la soc. da meglioraziun.

In basa al manzunà decid'ella da refusar la dumonda e da na tilla suottametter al proceder dal BAB.

0120 Executiva

42 **Orientaziuns**

Uniun dals Grischs / radunanza generala

Quella ha lö als 27 d'avrigl 2019 a Susch. Il suprastant, Armon Kirchen, farà part.

Energia Engiadina / radunanza generala

Il vicecapo, Armon Mayer, infuorma cha quella ha lö als 27 da gün 2019 a Scuol.

Energia Engiadina / pajamaint da la dividenda

Qua infuorma A. Mayer chi saja gnü decis da pajar in avegnir üna dividenda ill'otezza da fr. 900'000.00. Fin da qua importaiva quella fr. 1,1 miu. Quella masüra es dvandada bsögnaivla per chi possa gnir sgürà la somma eir a lunga vista.

Il plü bels cumüns da la Svizra

Il suprastant, Armon Kirchen, vaiva fat part a la radunanza annuala (a Lichtensteig, SG) ed infuorma lasupra. L'associaziun ha tanter oter decis, d'introdüer ün App d'infuormaziuns. Il cumüns chi sun commember ston prestar fr. 250.00 landervia.

Bieraria Tschlin SA

Il suprastant, Fadri Riatsch, infuorma. A partir dals 1. da schner 2020 esa previs da collavurar cun ün partenari plü grond, pustüt i'l sector da distribuziun e vendita per cha nossa biera po gnir furnida in tuot la Svizra. A la radunanza generala da la bieraria dals 25.05.2019 vain infuormà lasupra.

0120 Executiva
43 **Varia (suprastanza cumünala)**

Da la tractanda varia nu vegn fat adöver.

7556 Ramosch, 16.04.2019

CUMÜN DA VALSOT



Il capo:

7
V.ew

Il manader administraziun:

Handwritten signature in blue ink, enclosed in a circle.